

楊家駱主編 劉雅農總校

世界文庫

第四部刊要

朱舜水全集

民族正氣叢書之一



世界書局印行







明朱之瑜撰馬浮編

朱
舜
水
全
集



文集二十五卷
改定釋奠儀注一卷
陽九述略一卷
安南供役紀事一卷
附錄一卷

世界書局印行



陸
水
遺
書

湯壽潛署



朱子先生遺像

序

方明之亡。吾江浙老先。志存匡復。發憤以扞華夷之大坊。至斷脰湛族而不顧者。前踣後繼。跡其謀議。臆舉時有疏密。及力瘁計盡。咸就破滅。要能奮身死難。斯爲烈矣。若邈行蜚語。用晦自全。終老山海之隅者。何可勝道。語曰。非其政不履其地。誇其君不食其利。吾求之明遺民。得舜水朱先生。蓋其尤焉。先生蓬剝窮之會。躬盤桓之貞。時方幪幪朋黨。浮華交會之徒。盈天下。先生獨穆然無聞。江浙義旅興。嘗預贊畫。而不可榮以祿。播遷海表。逡巡以去。唐魯詐訖。途老東邦。慨慕周餘蟬蛻。殫穢窮居三十年。島人誦義。彼邦儒雅。彬然萃門。尤多識明之典章。達乎政事。不爲空言。日本水戶侯源光國。事以三老。乃爲之立橫舍。以興教。定廟次。以明祭。示以衣冠之式。以致文。詔以棺槨之制。以厚終。卉服之倫。皆以爲吾儕能幸識中土之禮義。非先生不爲功。生見巖師。歿爲贅宗。亦詎不宜。顧康雍以來。述遺民者。往往不知有先生。太冲記兩異人。甚至諱朱作諸。去國之夙。性峻少附。歟。不自撫飾。孤行其是。本無人之見者存歟。先生生餘姚。而講學不宗陽明。不交太冲。信乎能自立者。於浙東諸率。獨推王完勳。他無所契。易曰。君子以同而異。其先生之謂邪。睹鄭成功羣下慄慄。知其取敗。召而不謁。見係越南。抗節不辱。折其君相。可爲彊毅知禮矣。夫其抱器不反。有箕子之明。非世甘餓。有鮑焦之介。至於黃髮羈旅。殊俗歸德。沉尊西河。俾化管寧。自明之遺民。未有斯軌也。予讀陸士衡豪士賦。以謂循心爲量。則隆殺有域。因物成務。則豐約惟遇。故時至勢得。庸夫可以濟聖賢之功。斗筭可

以定烈士之業。斯言歷久彌驗。苟爲不當其運。雖智參伊管。勇齊賁育。猶無益也。明社竟屋。非士之不足。亦天實爲之矣。竊悲先生齎義長沒。乃獨區區名傳裔士。事不編於悼史。行不綴於耆舊。嗟彼遐外。猶知寶其遺物。守其祠墓。二百餘年。無改其臨終遺言。謂胡運一日不終。一日不願歸葬中國。既革命。先生族裔復往日本。躬拜其墓。彼中多閥碩理。先生遺言。浙人之私淑者。先於杭地立一學社。堅推壽潛爲之長。請建專祠於議會。不可。壽潛乃與浙路董會諸君。特建祠於清泰門側。而謀分其所藏器物於日人。歸而爲衣冠之墓。爰令女夫故會稽馬浮奉彼中所采先生遺集。重加編定。別爲類目。敢敘其所以重先生者。使後之君子得覽觀焉。泚筆涕下。既憫逝者。行自傷也。民國二年八月。後學湯壽潛。

總目

文集二十五卷

改定釋奠儀注一卷

陽九述略一卷

安南供役紀事一卷


附錄一卷

按日本槧朱舜水先生文集二十八卷。門人水戶侯權中納言從三位西山源光國編。日本正德五年。清康熙五十四年。其子綱條刻於西京。彼邦謂之水戶本。先是加賀侯文學五十川源剛伯。嘗從舜水受學。亦編錄遺文。爲朱徵君集十卷。以貞享元年。康熙二十二年。後舜水歿六年。舜水以康熙十七年卒。當日本延寶七年也。上之加賀侯。侯好之。欲因以校補。未竟而侯卒。傳本罕見。至近年稻葉岩吉始得加賀本。取以參校水戶本。互有出入。乃以二本合刊。其已見水戶本者削之。但存其目。二本皆無詩。又取張廷枚姚江詩存所錄泊舟稿附之。題曰朱舜水全集。是爲新本。尋水戶加賀二本類次陵躐。頗乏體要。新本晚出。哀錄較完。而因仍舊貫。二本錯列。讀者憾焉。今頗有所刪定。釐爲文集二十五卷。正其譌舛。使就紀理。其釋奠儀注一卷。陽九述略一卷。安南供役紀事一卷。名在乙部。舊入文集不當。今悉別出。總爲舜水遺書。又按今井弘濟安積覺撰舜水先生行實云。先生嘗爲水戶上公撰學宮圖說。日本初建文廟。依以營構。今集中乃無是書。蓋已亡佚。謹附著其目於此。癸丑八月。校寫訖。馬澤識。

朱舜水全集目錄

卷一	詩	一
卷二	賦	二
卷三	疏	五
揭		八
策問		九
卷四	書一	一一
卷五	書二	一二
卷六	書三	一三
卷七	書四	一四
卷八	書五	一五
卷九	書六	一六
卷十	書七	一七
卷十一	書八	一八
卷十二	啓	一九
雜帖		二〇
卷十三	答問一	二一
卷十四	答問二	二二
卷十五	答問三	二三
卷十六	議	二四

目錄



3 0526 5823 8

894682

卷十七 序

卷十八 記

卷十九 跋

論

辯

雜說

卷二十 贊

箴

銘

卷二十一 碑銘

卷二十二 祭文

卷二十三 雜箸一

卷二十四 雜箸二

雜評

卷二十五 雜箸三

雜題識

改定釋奠儀注

陽九述略

安南供役紀事

附錄

序	二二〇
記	二二六
跋	二二九
論	二二〇
辯	二二二
雜說	二二三
贊	二三五
箴	二三六
銘	二三七
碑銘	二三九
祭文	二四二
雜箸一	二四八
字說	二四八
札記	二五四
雜評	二七一
雜箸三	二七三
雜題識	二七八
改定釋奠儀注	二八七
陽九述略	二九四
安南供役紀事	三〇三
附錄	三一七

朱舜水全集

明餘姚朱之瑜撰

卷一 詩

遊仙詩十二首

精氣化細縷。冥冥天地始。雙丸互騰擲。至人安久視。傳聞周老聃。乃是廣成子。變氣隨九宮。心遠跡偏邇。有熊鼎既成。穆王駿亦駛。飄飄出故關。流沙幾千里。遐舉復何爲。避人良有以。寥廓望無垠。東去雲猶紫。

羽化恣逍遙。浮邱善相鶴。持贈王子喬。遨遊出伊洛。伊洛通濁沔。黃河天半落。岐山鳳不來。吹笙振林薄。揮手上嵩山。周京氣蕭索。帝子降秋風。月寒照虛壑。

崇霞被千里。北上昭王臺。香風拂纓纓。翔舞雙鸞開。的皪洞光珠。宛轉入君懷。照見三齊路。城闕生蒿萊。既授樂生柄。復契甘肅才。燒林路伊邇。芳草思悠哉。

言登小夏山。朝日開層霧。大鳥唳長空。猶疑王次仲。靈書變篆文。豈爲嬴秦用。雲際墮三峯。健翮遙天送。

南關有逸士。卑居念宗室。因緣北郭生。爰受神丹術。玉井粲蓮花。危峯標翠棼。巨蹠決洪河。頽流去何疾。飛光若流電。毋乃玄珠失。瑤草生紫煙。先春結芳實。赤城霞氣中。時時駕鴻出。

瓊田產神芝。葢難似孤葉。東風長秀莖。盈盈甘露泥。遠道隔橫川。千夫駕丹楫。君房夏解事。因風占利涉。孤嶼負靈龜。近與祖洲接。遂乘白虎車。奉使修玄業。黑點指登州。白波輕卷甃。嘯傲坐中林。天門授雲笈。

遠水蒸丹霞。桃花不知數。仙語落雲中。再至豈容誤。君非避秦人。覲面不相晤。

子房瀟灑人。早歲友黃綺。自見長桑君。慷慨念國恥。吁嗟一擊誤。飛迹千里徙。浮沉閭黨間。潛踪尤譎詭。故人采紫芝。匿影空山裏。故使圯下翁。脫屣示深旨。嚴霜下五更。對語興亡理。際會及風雲。婉孌出餘技。俛仰思舊遊。浩然不可止。不師黃石公。去從赤松子。

桂樹粲白石。淮南有小山。感念厲王事。中夜起長嘆。懷古傳離騷。撫卷流洄瀾。潛心訪奇士。秘簡披荆班。八公何

爲者。皓齒自叩關。沉香燒百和。玄經授玉丹。旋聞宗至正。仙去遂不還。徒有難犬聲。遙在雲霞間。靈山求上藥。偶至吳市門。一照越溪水。感慨聲暗吞。千年種蠶才。寥寥不復聞。坐見滔天莽。識應沙麓痕。陽明藏金簡。神禹迹尙存。冥鴻高逝意。可與知者論。

炎精一朝熄。舜禹在許都。焦生竟遠引。結草爲精廬。山花發異彩。萎謝成樵蘇。高臥風雪中。顏色常敷愉。神蹟留詭奇。始信非常道。披髮示雅容。獨倚蘇門嘯。當塗倏陵遲。俄聞太傅召。斷袍啓先機。單衣從所好。嵇生揮五弦。妙臻廣陵操。豈知弦外音。長佳合冥造。由來山澤癯。寂處自埋照。丹梯近可陵。一往迹如掃。

吳霞舟先生惠詩。按吳名鍾鑾。武進人。魯王監國起家拜禮部尙書。死丹山之難。

孤生倚知己。飄泊謝浮名。自接瑤華贈。能禁白髮生。八閩秋水闊。三楚曉雲橫。漫作山中約。歸耕向四明。

漫興

遠逐徐生跡。移舟住別峯。遺書搜孔壁。仙路隔秦封。流水去無盡。故人何日逢。鄉書經歲遠。離恨轉重重。

錢塘

天際銀幡立。鷗夷怒未消。定知千載上。江水不生潮。

右見張廷枚姚江詩存。云得之邵晉涵。誤題先生之名爲之瓊。

按先生門人日本人安積覺撰朱文恭遺事云。竹洞野友元示先生一詩云。在安南旅寓所賦。其詩曰。治劇從容緩策銜。鈴軒無事日清談。隼旗畫戟明千里。紙帳繩牀自一庵。金奏屢陳容客和。玉山不動看賓酣。我來邂逅逢新政。忘卻飄流身在南。近久保天隨撰日本近世儒學史。亦采之。今按此詩殊不類先生在安南日。前後所草書疏。具載供役紀事中。不云有詩。疑出依託。不敢墮入。稻葉岩吉新編舜水全集。亦削而不錄。岩吉并云熙朝詩藁中。有先生詩云。九州如瓦解。忠臣苟偷生。受詔蒙塵際。晦迹到東瀛。回天謀未就。長星夜夜明。單身寄孤島。抱節比田橫。已聞鼎命變。四望獨吞聲。蓋亦出彼邦人依託。不能遽定爲先生詩也。

堅確賦

按安南供役紀事云。三月三日安南國王遣人寫一確字來問。予意其風之也。聊舉堅確等義爲解。遂作賦云。

歲在丁酉三月上巳。余以執役王家。來茲廣漠之野。叢枯穀茂。宮側修竹盡枯死。維叢叢茂。彼神叢轉輾相假。故云然。非修禊之蘭亭。流清湍激。寓南瀾流迅駛。懷萬壑之冷冷。塊然環堵之中。匏也茅茨之下。異桃李之芳園。奚文章之相假。形廕影其何對。月兮三人。己獨人皆。存流風乎一我。迺有白叟龍鍾。躑躑踟躕。抱持樂器。就坐簫隔。方跼空中。一角直矗。拳匏外向。孤絃內腹。彈撥難調。非絲非竹。齒疎淚浥。疑歌疑哭。不足以陶我神情。適足以擾我慎獨。忽逸興之遄飛。慕觥觥兮相逐。飯蔬水兮愆期。況流觴而聽肉。身枯槁兮神馳。攀芳蘭兮川谷。於焉有客外至。是非問奇。書掌布畫。確字謹持。余迺舉說文而解義。考證據兮紛披。志意堅確兮不忒。話言明確兮罔移。於是言笑燕燕。乞賦乞詩。詩題確論。意不支離。賦志堅確。不競文辭。朱子黼黻危坐而答曰。嗚呼噫嘻。客何爲而及乎此也。確乎確乎。學力所成。微乎微乎。析理斯精。確則繇堅而致。堅不能並確而陳。堅之蔽固。固之蔽陋。而確不與固陋兮爲鄰。歷百年而非故。忽嬗代而非新。道同德媿。靡之不去。身處傾危。招之不親。非晰精微於觀火。曷能當震撼而凝神。涅之緇之。莫汚其白。磨焉磷焉。孰漓其淳。硜硜者其象乎。硜硜者言必信行必果。確然者言不期而自無遊行。行不期而自無偏頗。磽磽者其質乎。磽磽者保護之而僅完。擊刺之而旋缺。確然者是非眩之而益明。東西衝之而不決。然則其貞乎。貞固足以任事。終不渝而始不諒。意者其真乎。質與實而無僞。誠與一而皆當。潦水盡而寒潭清。煙光凝而暮山紫。吾以探確之源。山高月小。水落石出。吾以定確之理。澄之不清。滌之不濁。吾遊夫確之神。逝者如斯。而未嘗往。盈虛者如彼。而卒莫消長。吾又莫測夫確之底裏。往來仲仲。允執其中。不憂不惑。清醒自得。求之古人。郭林宗申屠蟠。庶幾近之。林宗確乎不拔。爲世宗師。申屠免於評論。超卓之姿。若夫信之不篤。守之不善。幾何不如韋而如脂。然而所未至者。毋意毋必。與世推移。變變化化。聖不可知。蓋可權者與立之深造。而至誠者能化之根基。既已歷舊信而充實。盡亦繇光輝幾聖神而享享。乃所願者。時中之君子。措之仕止。久速而咸宜。